



Ўзбекистон – Туркменистон: ВАҚТ СИНОВИДАН ЎТГАН ДЎСТЛИК ВА ҲАМКОРЛИКНИНГ ЯНГИ УФҚЛАРИ

Аввал хабар қилинганидек, Ўзбекистон Республикаси Президенти Ислам Каримовнинг таклифига биноан Туркменистон Президенти Гурбангули Бердимухамедов 7 октябрь куни расмий ташриф билан мамлакатимизга келди.

Ташрифнинг асосий тадбирлари 8 октябрь куни бўлиб ўтди. Кўксарой қароргоҳида Туркменистон Президентини расмий кутиб олиш маросими бўлди. Олий мартабали меҳмон шарафига фахрий қоровул саф тортди. Ислам Каримов ва Гурбангули Бердимухамедов шохсупага кўтарилдилар. Икки мамлакат давлат мадҳиялари янгради. Президентлар фахрий қоровул сафи олдида ўтдилар.

Азалий қўшни ва қардош бўлган ўзбек ва туркман халқлари ўртасидаги муносабатлар мустақиллик йилларида янги мазмун касб этди. Бугун Ўзбекистон – Туркменистон алоқалари 2007 йилда имзоланган Дўстона муносабатлар ва ҳар томонлама ҳамкорликни янада мустаҳкамлаш тўғрисидаги давлатлараро шартнома асосида изчил тараққий этмоқда.

Мамлакатларимиз ҳамкорлиги ривожига Ислам Каримов билан Гурбангули Бердимухамедовнинг яқин дўстлиги, бир-бирига ҳурмати ва ишончи муҳим ўрин тутмоқда. Икки давлат раҳбарлари мунтазам учрашиб, ўзаро алоқаларни мустаҳкамлаш ва янада кенгайтириш борасида фикр алмашиб келмоқда. Ўзбекистон Республикаси Президенти Ислам Каримов икки томонлама муносабатларни мустаҳкамлаш ҳамда ўзбек ва туркман халқлари ўртасидаги дўстлик ва маданий ҳамкорлик алоқаларини ривожлантириш йўлидаги буюк хизматлари учун Туркменистоннинг Махтумқули номидаги халқаро мукофоти билан тақдирланган. Ўзбек ҳамда туркман халқлари ўртасидаги дўстлик ва яхши қўшничилик муносабатларини мустаҳкамлаш, ўзаро манфаатли ҳамкорликни ривожлантириш борасидаги катта хизматлари учун Туркменистон Президенти Гурбангули Бердимухамедовга Ўзбекистон Республика-

сининг “Мустақиллик” ордени топширилган.

Ислам Каримов ва Гурбангули Бердимухамедов тор доирадаги музокаралар чоғида мамлакатларимиз ўртасидаги ҳамкорликнинг бугунги ҳолати ва уни янада ривожлантириш истиқболларини муҳокама этдилар, долзарб минтақавий ва халқаро масалалар юзасидан фикр алмашдилар.

Президентимиз Туркменистон раҳбарининг ушбу ташрифи мамлакатларимиз муносабатлари тарихида муҳим сиёсий воқеа, яхши қўшничиликка асосланган ҳамкорлигимиз изчил ривожланиб бораётганининг далолати эканини таъкидлади.

Туркменистон Президенти давлатимиз раҳбарига таклиф учун миннатдорлик билдириб, мамлакатларимиз ўртасидаги ҳамкорлик барча соҳаларда муттасил тараққий этаётганини мамнуният билан қайд этди.

Ўзбекистон билан Туркменистон ўртасидаги муносабатлар ўзаро ишонч, манфаатларни ҳурмат қилиш, халқаро майдонда бир-бирини қўллаб-қувватлаш тамойиллари асосида ривожланмоқда. Глобал ва минтақавий аҳамиятга молик барча долзарб масалалар бўйича томонларнинг позициялари ўхшаш ёки яқиндир. Ўзбекистон Республикасининг ташқи сиёсати давлатларнинг суверен тенглиги, куч ишлатмаслик ёки куч билан таҳдид қилмаслик, чегараларнинг дахлсизлиги, низоларни тинч йўл билан ҳал этиш, бошқа давлатларнинг ички ишларига аралашмаслик қоидаларига ва халқаро ҳуқуқнинг умумэтироф этилган бошқа қоидалари ва нормаларига асосланади. Туркменистоннинг ташқи сиёсати бетарафлик, тинчликсеварлик, яхши қўшничилик тамойилларига қурилган.

(Давоми 2-бетда).

МАСЪУЛИЯТНИ ҲИС ҚИЛИШ ИШОНЧЛИ ҚЎРИҚЛОВНИ ТАЪМИНЛАМОҚДА

Техника тараққиётдан ортда қолмаган, замон билан ҳамнафас қадам ташлаган киши ҳеч қачон ютқазмайди, доимо олға интилади. Буни ички ишлар идоралари ҳузуридаги қўриқлаш хизмати мисолида ҳам яққол кўриш мумкин. Соҳага замонавий қўриқлаш жиҳозлари, сигнализация қурилмалари, тезкор техника воситаларининг жалб этилаётгани, ходимларнинг жисмоний ва жанговар тайёргарлиги муттасил ошириб борилаётгани тўғрисида маълум қилиш мумкин.



Бугун тадбиркор дўкони ёки ишлаб чиқариш корхонасини беркитиб, хавотирсиз уйга йўл олмоқда. Қайсидир бир фуқаро эса уй-жойи, хонадонини қаровчисиз қолдириб, хордиқ чиқариш учун оиласи билан табиат қўйнига чиқиб кетяпти. Улар уйим ёки дўконим эгасиз қолди, ўғри тушиши мумкин, дея хавотирга тушмайди. Кўнгли хотиржам. Негаки, уларнинг уй-жойи, корхона ёки дўконлари қўриқлаш хизмати назоратида, бу объектларга бўладиган ҳар бир хатти-ҳаракатни техник қўриқлаш пулти осонгина илғайди ва ходимлар тез фурсатда тегишли чораларни кўришади.

Айни пайтда Ангрен шаҳар ИИБ ҳузуридаги шаҳарлараро қўриқлаш бўлими ходимлари томонидан 98 та объект ва 83 та фуқаро хонадонини ишончли қўриқлаб келинмоқда. Аҳоли, муассаса ва ташкилотлар, тадбиркорлик субъект-

лари орасида мазкур хизматнинг афзалликлари юзасидан ўтказилаётган тарғибот ишлари натижасида кейинги вақтда миқдорлар сони ортиб борапти. Буни жорий йилнинг саккиз ойи мобайнида қўшимча равишда 13 та объект, 44 та фуқаро хонадонини қўриқлаш олинганида ҳам кўришимиз мумкин.

Бўлим томонидан объектларда майда ташмачилик ҳолатларининг олдини олиш юзасидан бошқа соҳавий хизматлар билан ҳамкорликда режа ишлаб чиқилган. Унга кўра, корхона ва ташкилотлар жамоалари ҳамда аҳоли ўртасида профилактик суҳбатлар ва учрашувлар ўтказилапти, бошқа қўллаб-қувватлаш тадбирлари ташкил этиляпти. Шунга қарамай, у ёки бу маҳсулотни яширинча олиб чиқиш кетишига уриниш ҳолатлари кузатишмоқда.

(Давоми 3-бетда).



Шавкат ҚАҲҲОРОВ олган суратлар.

УШБУ
СОҲДА

Фидойилик намунаси



4-бет



Маҳорат ва талабчанлик ёнгиликнинг олдини олишда муҳим ўрин тутмоқда

6-бет

Мардлик, жасорат, қаҳрамонлик эларга хос

8-бет



Инсон қадр-қиммати таҳдид

10-бет

Суянчик

12-бет



ПИРИ БАДАВЛАТ КЕКСАЛАР

Қасида



Урмимизнинг кўркидур пири бадавлат кексалар,
Одамийлик мулки ичра бизга ибрат кексалар.

Ой каби нурлар сочур бахтдан чароғон юзлари,
Офтоб каби бағри кенг, соҳиб саховат кексалар.

Бу ҳаёт бўстонида чин меҳрибон боғбон мисол,
Меҳнатидан топгани роҳат-фароғат кексалар.

Жонажон фарзандларига дилда бор меҳрин бериб,
Сўнг набиралар камолин кўзлаган мард кексалар.

Эл аро сиз эзгуликлар айлаб эъзоз ичрасиз,
Хур Ватанни яшнатишга кони ғайрат кексалар.



Қари билганни дегайлар, пари билмас ҳеч қачон,
Ҳар муаммонинг ечимин топгай албат кексалар.

Байраму тўйларда доим камтарин тўйбошидур,
Оқилу олийжаноб, феъли аломат кексалар.

Тоғ каби мағрур, улуғвор, кўксиде кек сақламас,
Яхшиликлар қилса-да, қилмайди миннат кексалар.

Сиз – отамнинг отажони, Сиз – онамнинг онаси,
Изларингиз кўзга суртай, пойи жаннат кексалар.

Сиз дуога қўл очиб, омад тиларсиз барчага,
Дилдаги орзу-умид бўлгай ижобат, кексалар.



Ўзбекона бу мурувват, ақлу хуш, одоб учун –
Таъзим айлаб айтажакмиз сизга раҳмат, кексалар!

Фахр этармиз сиз билан, сиз – нури иймон қалъаси,
Борлигингиз ўзи бизга катта давлат, кексалар.

Айтадур Зикрилло доим тинч-омон бўлсин замон,
Бахтимизга сиз бўлинг соғу саломат, кексалар!

Зикрилло НЕЪМАТ.

Эълон *** Эълон *** Эълон *** Эълон *** Эълон *** Эълон *** Эълон *** Эълон *** Эълон *** Эълон

ДИҚҚАТ, ТАНЛОВ!

«ЙИЛНИНГ ЭНГ ФАОЛ АХБОРОТ ХИЗМАТИ»

Ўзбекистон мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш жамоат фонди давлат ҳокимияти ва бошқаруви органлари, йирик хўжалик субъектлари, шунингдек, жамоат ташкилотларининг ахборот хизматлари ўртасида «Йилнинг энг яхши ахборот хизмати» ижодий танловини эълон қилади.

Танлов Ўзбекистон Республикаси Олий Мажлиси ҳузуридаги Нодавлат нотижорат ташкилотлар ва фуқаролик жамиятининг бошқа институтларини қўллаб-қувватлаш жамоат фонднинг молиявий кўмағида ўтказилади.

Танлов шартлари

Танловда иштирок этиш учун ахборот хизмати ёки матбуот марказининг жорий йилдаги фаолияти ва эришган ютуқлари ҳақида маълумот – 2015 йилнинг 1 январидан 1 декабригача давлат ҳокимияти ва бошқаруви органлари, хўжалик субъектлари, жамоат ташкилотларининг расмий ахборот сайтларида, шунингдек, мамлакатнинг босма ва интернет нашрларида чоп этилган, таърифланган фаолиятни тасдиқлайдиган манбаларга барча ҳаволаларни тақдим этган ҳолда, вазириликлар, идоралар ёки жамоат ташкилотлари ахборот хизмати ходимининг Ф.И.Ш. ОАВда тадбирлар қайд этилган мақолаларнинг асл нусхаси тақдим этилиши керак.

Танлов олтига номинация бўйича ўтказилади:

- йилнинг энг фаол ахборот хизмати;
- йилнинг энг фаол ахборот хизмати раҳбари ёки ходими;
- энг яхши давлат ҳокимияти ва бошқаруви органи расмий сайти;
- йил кашфиёти;
- маълумотларни ижтимоий тармоқларда энг яхши тақдим этганлиги учун;
- журналист наздидаги энг яхши ахборот хизмати.

Номинациялар бўйича танлов ҳужжатлари рўйхати

Йилнинг энг яхши ахборот хизмати – жорий йилда ахборот хизмати ёки ахборот хизматининг фаолияти ва ютуқларини эр-

кин шаклда таърифлаш (булар ташаббус кўрсатилган мақолалар сони, ахборот хизмати ходимларининг исми ОАВда қайд этилиши, ташкилот нуфузини бошқариш, имижини ўзгартириш бўйича ҳаракатлари бўлиши мумкин, таърифланган фаолият ва мақолаларнинг намуналарини тасдиқлайдиган барча манбаларга ҳаволалар тақдим этилиши керак).

Йилнинг энг яхши ахборот хизмати раҳбари

– жорий йилда ахборот хизмати ёки ахборот хизматининг фаолияти ва ютуқларини эркин шаклда таърифлаш (булар ташаббус кўрсатилган мақолалар сони, ахборот хизмати раҳбарининг Ф.И.Ш.нинг ОАВда қайд этилиши, ташкилот нуфузини бошқариш, имижини ўзгартириш бўйича ҳаракатлар бўлиши мумкин, таърифланган фаолият ва мақолаларнинг намуналарини тасдиқлайдиган барча манбаларга ҳаволалар тақдим этилиши керак).

Энг яхши расмий сайт – давлат ҳокимияти ва бошқаруви органлари расмий сайтнинг фаолиятини, расмий веб-сайт ва бошқа ОАВда, жумладан, электрон нашрларда чоп этилган ахборотга ҳаволалар сони, веб-сайтга кундалик ташриф буюрувчилар сони, чоп этилаётган ахборотнинг гоёвий-бадий даражаси ва контент сифати, шунингдек, расмий веб-сайтда тил версияларининг ишлаши эркин усулда таърифлаш.

Йил кашфиёти – жорий йилда йирик жамоат ташкилотлари, ННТ ва фуқаролик

жамиятининг бошқа институтлари ахборот хизмати ходимлари ёки ахборот хизматининг фаолияти ва ютуқларини эркин шаклда таърифлаш (булар ташаббус кўрсатилган мақолалар сони, ахборот хизмати ходимлари Ф.И.Ш. матбуотда қайд этилиши, ташкилот нуфузини бошқариш, имижини ўзгартириш бўйича ҳаракатлар бўлиши мумкин, таърифланган фаолият ва мақолаларнинг намуналарини тасдиқлайдиган барча манбаларга ҳаволалар тақдим этилиши керак).

Маълумотларни ижтимоий тармоқларда энг яхши тақдим этиш

– давлат ҳокимияти ва бошқаруви органи расмий саҳифасининг ижтимоий тармоқлардаги фаолияти, рўйхатдан ўтганларнинг сони, фойдаланувчиларнинг умумий қамрови, расмий саҳифа ва Интернетларнинг намуналарини тасдиқлайдиган барча манбаларга ҳаволалар тақдим этилган материалларга репостлар сони, ахборотни ижтимоий тармоқларда жойлаштириш тезлиги, ижтимоий тармоқларда фойдаланувчилар билан мулоқот самарадорлигини эркин шаклда таърифлаш.

Журналист наздидаги энг яхши ахборот хизмати – давлат ҳокимияти ва бошқаруви органлари ахборот хизматининг оммавий ахборот воситалари вакиллари билан ўзаро ҳамкорлиги механизмлари, масс-медиа вакиллари учун ўтказилган тадбирлар сони ва уларнинг иштирок этиш даражаси, шакланган журналистлар пули-

нинг мавжудлиги, журналистлар учун маҳсул мавзуга доир танловларнинг ўтказилиши, тадбирлар доирасида тақдим этиладиган тарқатма материалнинг сифати, онлайн режимида ташкилот фаолияти ҳақидаги дайджестларнинг доимий равишда юритилишини эркин шаклда таърифлаш.

Танловда иштирок этиш учун ариза юридик шахс раҳбари – танлов иштирокчиси томонидан имзоланган ва муҳр босилган, иш жойи, касбий фаолияти ҳақида қисқача маълумот, телефон рақами, манзили ва муаллиф паспортининг нусхаси илова қилинган ҳолда тўлдирилган бланкни ташкил этади.

Танловга топширилган материаллар ўзбек, рус ёки қорақалпоқ тилида тайёрланган бўлиши ва босма, интернет нашр ёки веб-сайт кўрсатилган ҳолда босма ҳамда электрон шаклда тақдим этилиши керак.

Фоторепортажлар асл нусха ҳолатида тақдим этилади.

Танлов ғолибларига совринлар

Ғолиблар ҳар бир номинация бўйича маҳсул диплом ва қимматбаҳо совға билан тақдирланади.

Материаллар 2015 йилнинг 4 декабригача «Йилнинг энг фаол ахборот хизмати» танловига қайди билан Тошкент шаҳар 100129, Алишер Навоий кўчаси, 30-уй, 2-қават, 45-хона манзили бўйича Ўзбекистон мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш жамоат фондига юборилиши керак.

Батафсил маълумотни 244-12-51, 244-14-28 телефонлари орқали олиш мумкин.

O'ZBEKISTON
RESPUBLIKASI
IV BIRLASHGAN
TAHRIRIYATI

MUASSIS:
O'ZBEKISTON
RESPUBLIKASI
ICHKI ISHLAR
VAZIRLIGI

Bosh muharrir o'rinbosari –
Qobiljon SHOKIROV
Mas'ul kotib v.b. –
Zokir BOLTAYEV
Navbatchi –
Furqat G'AYBULLAYEV
Sahifalovchi –
Rustam ISOQULOV
Matn ko'chiruvchi –
Gulnora SODIQOVA

TELEFONLAR:
231-33-88;
Faks: 254-18-79.



Tahririyat
hisob raqami
2021000900447980001,
MFO 00420.
ATIB
«Ipotekabank»
Mirobod
tuman bo'limi.
INN 200637499.

Tahririyatga kelgan qo'lyozma
va suratlar egasiga qaytarilmaydi.
Nashrimizdan ko'chirib bosil-
ganda «Postda»dan olinganligi
ko'rsatilishi shart.

«O'zbekiston» nashriyot-matbaa
ijodiy uyi bosmaxonasida chop
etildi. Korxonada manzili: Alisher
Navoiy ko'chasi 30-uy.

Gazeta haftaning shanba kuni chiqadi.

Gazeta O'zbekiston Matbuot va axborot agentligida
2007-yil 11-yanvarda 0120-raqam bilan ro'yxatga
olingan. Buyurtma №S-4109. Bosilish – ofset usulida.
Hajmi – 4 bosma taboq. 67847 nusxada chop etildi.
Obuna raqamlari: Yakka tartibda – 180. Tashkilotlar
uchun – 366. Bosishga topshirish vaqti – 22.00.
Bosishga topshirildi – 21.00. Sotuvda kelishilgan narxda.

**MANZILIMIZ: 100070, Toshkent shahri,
Shota Rustaveli 1-berk ko'chasi, 1-uy.**